

**Naligiissitaanissamut Siunnersuisoqatigiit pillugit Inatsisartut inatsisaata
allanngortinneqarneranik Inatsisartut inatsisissaattut siunnersuut
pillugu**

Inatsisartut Inatsisit Atortinneqarnerannut Ataatsimiititaliaata

ISUMALIUTISSIISSUTAA

inatsisissatut siunnersuutip aappassaaneerineqarnerani saqqummiunneqartoq

Inatsisartut Inatsisit Atortinneqarnerannut Ataatsimiititaliaat suliarinninnermini ukuninnga inut-taqarpoq:

Inatsisartuni ilaasortaq Isak Davidsen, Atassut, siulittaasoq
Inatsisartuni ilaasortaq Ole Dorph, Siumut, siulittaasup tullia
Inatsisartuni ilaasortaq Enos Lyberth, Siumut
Inatsisartuni ilaasortaq Ane Hansen, Inuit Ataqatigiit
Inatsisartuni ilaasortaq Astrid Fleischer Rex, Demokraatit

Inatsisartut Inatsisit Atortinneqarnerannut Ataatsimiititaliaata Inatsisartut Naalakkersuisullu pil-lugit Inatsisartut inatsisaata allanngortinneqarneranik Inatsisartut inatsisissaattut siunnersuut siul-lermeerlugu oqaluuserineqareermat nassuiaatitai ilanngullugit misissuataarpaa.

Tusarniaanermi akissutisiat

Inatsisit Atortinneqarnerannut Ataatsimiititaliap maluginiarpaa tusarniaanermi akissutisiat ima-risaat inatsisissatut siunnersuummut nassuiaatitigut nassuiaatineqarsimanngitsut. Tamanna ajuusaarnartutut ataatsimiititaliap isigiaa, inatsimmut nassuiaatit ima ilusiligaasimasariaqarmata Inatsisartut aalajangiinissamut tamakkiisumik tunngavissaqarnissaannik tunniussisuullutik.

Tusarniaanermut akissutitut tunniunneqartut nuutinneqarnerisigut Inatsisit Atortinneqarnerannut Ataatsimiititaliap paasivaa IMAK, PPK kiisalu Kalaallit Nunaanni Naligiissitaanissamut Siunnersuisoqatigiit kisimik nassuiaatitalinnik tusarniaanermut akissuteqarsimasut. Kalaallilli Nunaanni Naligiissitaanissamut Siunnersuisoqatigiinnit tusarniaanermut akissut piffissaq tunniussivissaq qaangiutereersoq tiguneqarpoq. Atorfillit Kattuffissuat, HST aamma Ineqarnermut, Attaveqarnermut Pilersuinernullu Pisorta qarfik nassuiaatitaqanngitsunik tusarniaanermut akissuteqarput.

PPK'p IMAK'illu tikkuaavigaat IMAK kattuffiit, meeqqanut inuussutunullu tunngasunik suliaqartut ilaattut, ilaatinneqarsimasariaqaraluartoq. Pisorta qarfiulli susassa qartuusup tusarniaanermut atatillugu allakkiakkut tamanna ima tunngaviliivigalugu itigartippaa; IMAK inuussutissarsiutigalugu sulisartut kattuffiissa anginerit pingasut ilagaat, taamaammallu siunnersuummi § 3, imm. 2-p oqaasertaliivigineqarnera tunngavigalugu inassuteqaateqarsinnaatitaasunut ilaareersoq.

PPK'p IMAK'illu ilanngullugu siunnersuutigaat kattuffiit peqatigiiffiillu il.il. inassuteqaateqarsinnaatitaasut immikkoortunut ima aggulunneqartariaqartut:

- Kattuffiit il.il. meeqqat inuusuttullu soqutigisaannik pingaarnertut siunnerfeqarlutik suliaqartut
- Inuussutissarsiutigalugu sulisartut kattuffii angutinut arnanullu tunnganerusunik suliaqartut
- Sulisitsisut kattuffii il.il. (ilanngullugit Namminersornerullutik Oqartussat aamma kommunit, sulisitsisutut)

Pisorta qarfiup Naligiissitaanissamut Siunnersuisoqatigiit inassuteqaataat aallaaviginiarlugit toqqarsimavaa. Pisorta qarfiup suassa qartut tusarniaanermut atatillugu allakkiiaani oqaatigineqarpoq PPK'p IMAK'illu immikkoortunut agguluinissamik siunnersuutaat inatsisissatut siunnersuummi immikkoortunut agguluinertut atorneqartumit eqqarsaatigillugaanerusutut pisorta qarfiup isumaqarfigisariaqartutut isiginngikkaa.

Kalaallit Nunaanni Naligiissitaanissamut Siunnersuisoqatigiit tusarniaanermut akissutimigut piffissaq tunniussivissaq qaangiutereersoq tunniussamigut kissaatigisamisut oqaatigaa SORLAK § 3, imm. 5-mi inassuteqaateqarsinnaasut akornannit, meeqqanut inuusuttunullu tunngatillugu sullissivittut, sulisulluunniit, meeqqanut inuusuttunullu tunngatillugu suliaqartut, soqutigisaannik isumaginnittutut, peerneqartariaqartoq. Naligiissitaanissamut Siunnersuisoqatigiit tamatuminna kissaateqarnini tunngavilerpaa siunnersuisoqatigiit sulinerata naalakkersuinermut tunngasunik sammisaqartuusariaqannginneranik. Naligiissitaanissamutaaq Siunnersuisoqatigiit kissaatigaat KNAPK aamma Kalaallit Nunaanni angutit oqaloqatigiittartoqatigiit ataatsimoorlutik angummik ilaateqarnissamik inassuteqarsinnaanerit § 3, imm. 7-imut ilanngunneqassasoq.

Naligiissitaanissamut Siunnersuisoqatigiit tusarniaanermut akissutaat tunniussivissaq qaangereersoq tunniunneqarmat susassaqtutut pisortaqrarfiup tusarniaanermut tunngatillugu allakkiaani tusarniaanermut akissut oqaaseqarfigineqanngilaq.

Inuussutissarsiornermulli Naalakkersuisup ataatsimiititaliamut allagaani oqaatigineqarpoq siunnersuut saqqummiunneqareermat Naligiissitaanissamut Siunnersuisoqatigiit Inuussutissarsiornermullu Pisortaqrarfik ataatsimeeqatigiissimasut. Ataatsimiinnermi tassani Naligiissitaanissamut Siunnersuisoqatigiit nalunaarpoq SORLAK kattuffittut inassuteqaateqarsinnaasutut inissisimaannaqullugu Naalakkersuisut kissaatigisaat ajoriffissaqartinngikkitsik, siunnersuutigigitsilli sulisitsisut kattuffiisa anginerit pingasut ilaattut KNAPK inassuteqaateqarsinnaasut akornannut inissinneqassasoq.

Naalakkersuisuni ilaasortap ilisimatitsissutigaa tamatumunnga naapertuuttumik Naalakkersuisut allannguutissamik saqqummiussilersaartut.

Siunnersuutip ilusiligaanera

Siunnersuut imarisamigut ataasiakkaatigut kukkuneqarlunilu amigaateqarpoq:

- Inatsisissatut siunnersuutip taaguutaa erseqqissisisatut allassimasariaqarpoq.
- Kukkunikkut inatsisissatut siunnersuutip qulequtaanut qulequtaaraq § 1-ip aallarniutaanut inissinneqarsimavoq.
- Siunnersummi KNAPK kattuffittut meeqqanut inuusuttunullu sullissisutut sulisorisalluunniit meeqqanut inuusuttunullu tunngasumi sulisut soqutigisaannik isumaginnittutut immikkoortumut inissinneqarsimavoq.

Inatsisit Atortinneqarnerannut Ataatsimiititaliaq isumaqatigiittoq Naalakkersuisunut kaammattuiniarpoq aakkua iluarsiivigineqarnissaannut allannguutissatut siunnersuutininik saqqummiusseqqullugit.

Siunnersuutip imarisai

Siunnersuutip kingunerissavaa Naligiissitaanissamut Siunnersuisoqatigiit ilaasortaasa amerlassusii 11-imiit 7-inut appartinneqassammata, tamannalu aningaasanut tunngasunik pissuteqartutut oqaatigineqarluni.

Siunnersuutittaaq kingunerissavaa siunnersuisoqatigiit ilaasortaqrarnerata allannguuteqarnissaa.

Maleruagassat atuuttut malillugit uku inassuteqarpa ilaasortamik ataatsimik toqqaasoqassasoq:

- KANUKOKA
- SIK
- Kalaallit Nunaanni sulisitsisut peqatigiiffii

- Tjenestemandit aamma Nunatsinni Atorfillit Kattuffissuat
- KNAPK
- Arnat Peqatigiit Kattuffiat
- Sorlak
- Inatsisartuni partiit anginersaat
- Inatsisartuni partiit anginersaata tullia
- Inatsisartuni partiit anginersaata pingajuat

Siunnersuut malillugu uku inassuteqarpata ilaasortamik ataatsimik toqqaasoqassaaq.

- Sulinermik inuussutissarsiuqartut kattuffii anginerit pingasut
- Sulisitsisut peqatigiiffii anginerit pingasut
- KANUKOKA aamma Tulararfik (ulloq unnuarlu paaqqinniffiit nuna tamakkerlugu peqatigiiffiat)
- KNAPK, Sorlak, PIP (Perorsaasut Ilinniarsimasut Peqatigiiffiat), AK, aamma PPK
- Arnat Peqatigiit Kattuffiat aamma Saaffiginnittarfiit Qimarnguillu Kattuffiat,
- Kalaallit Nunaanni angutit oqaloqatigiittartoqatigiit

Taamaalilluni siunnersuutip kingunerissavaa partiit naalackersuinikkut ilaasortaataqarnerat atorunnaassasoq, kattuffilli il.il., sulineri meeqqanut inuusuttunullu tunngassuteqartut, ilaasortaataqarnikkut patajaallisaavigineqassasut. Tamanna Naligiissitaanissamut Siunnersuisoqatigiinnit kissaateqarnermik tunngaveqarpoq, naligiissitaanissamut tunngasumik sulineri meeqqat inuusuttullu annertunerusumik tunngavigineqarnissaat kissaatigineqarmat.

Inatsisit Atortinneqarnerannut Ataatsimiititaliap isumaqatigiittup ilaasortat ikilineqarnissaat ilaasortalersuinerullu allanngortinneqarnissaa isumaqatigaa.

Naligiissitaanissamilli suliaqarnerup nunaqarfinni patajaallisarneqarnissaanik kissaateqarneq tun-ngavigalugu Inuit Ataqtigiinniit kissaatiginartinneqarpoq nunaqarfinni aqutsisut suleqatigiiffiata siunnersuisoqatigiit ataatsimiinnerini alaatsinaattutut peqataanissamut periarfissinneqarnissaat. Tamatuma akuersissutigineqarnissaanut Naalackersuisut allannguutissatut siunnersuummik saqqummiusseqqullugit Inuit Ataqtigiit kaammattussavaat.

Atassutip pissusissamisoortutut isiginngilaa siunnersuisoqatigiit ilaasortalersugaanissaanut maleruagassatigut piumasarineqarmat angutit arnallu amerlaqatigiimmik agguataarneqarnissaat. Kattuffiit peqatigiiffillu il.il. inassuteqaateqarsinnaatitaasut arlallit arnamik, taamatullu angummik, aappaa Naalackersuisut toqqagassaannik, inassuteqaateqaqqullugit peqquneqartarput. Ilaasortanik toqqaanermi arnat angutillu assigiimmik amerlassusilittut agguataarneqarnissaat Naalackersuisut anguniartassavaat. Taamaalilluni angutit arnallu siunnersuisoqatigiinni inissanit arfineq marluusunit ikinnerpaamik pingasunik sinniissuutitaqassapput. Atassut isumaqarpoq maleruagassat taakku tulluurtuunngitsut. Inassuteqaateqarsinnaatitaasut kiffaannngissuseqartariaqarput inunnik, taakku piukkunnarnerpaatut isigisaannik, inassuteqassallutik. Naligiissitaanermi apeqqutaavoq kikkut tamarmik assigiimmik

periarfissiivigineqarnissaat - inuk angutaanersoq arnaanersorluunniit
apeqqutaatinnagu.

Ataatsimiititaliap inassuteqaatai

Ataatsimiititaliami amerlanerussuteqartut Siumumeersut, Atassumeersut
Demokraatineersullu, ataatsimiititaliap isumaqatigiittup kaammattuutigisaannut
naapertuuttumik Naalakkersuisut allannguutissatut aiunnersuummik
saqqummiussereerpata, siunnersuut ilusini iluseralugu akuersissutigineqassasoq
inassuteqarput.

Ataatsimiititaliami ikinnerussuteqartoq Inuit Ataqatigiinneersoq ikinnerussuteqartup
taassuma kaammattuutigisaannut naapertuuttumik Naalakkersuisut allannguutissatut
aiunnersuummik saqqummiussereerpata, siunnersuut ilusini iluseralugu
akuersissutigineqassasoq inassuteqarpoq.

Taama oqaaseqarluni Inatsisit Atortinneqarnerannut Ataatsimiititaliap siunnersuut
aappasaanigassanngortippaa.

Isak Davidsen,
siulittaasoq

Ole Dorph

Enos Lyberth

Ane Hansen

Astrid Fleischer Rex